



Xueves, 17 de setiembre de 2020

## **El Gobiernu d'Asturies empecipia una ronda d'evaluación nas residencies de mayores pa detectar necesidaes derivaes de la covid-19**

- Esta iniciativa quier también concienciar sobre la importancia de la vacunación contra'l gripe, col envís de fomentar la inmunización entre profesionales y residentes
- La modificación del reglamento del salario social permitirá agilizar las revisiones motivadas por trabajos temporales de los perceptores, que suponen el 20% de los expedientes pendientes
- **Cristina Vega Morán, nueva directora general de Planificación e Infraestructuras Educativas**

El Gobiernu del Principáu empecipió una ronda d'evaluación en toles residencies del organismu autónomu Establecimientos Residenciales pa Mayores d'Asturies (ERA) pa detectar posibles necesidaes derivaes de la pandemia de la covid-19. Esta iniciativa busca tamién concienciar sobre la importancia de la vacunación contra'l gripe, col propósiu de fomentar la inmunización na próxima campaña ente la plantiya y les persones residentes.

La consejera de Derechos Sociales y Bienestar, Melania Álvarez, informó güei al Conseyu de Gobiernu sobre esta midida, que yá se punxo en marcha y que quier reforzar, de cara a la seronda, la protección del colectivu de mayores, ún de los más vulnerables énte'l coronavirus.

Hasta agora, la xerente del ERA, Ana Suárez, visitó los centros de Grau, El Cristu (Uviéu) y Clara Ferrer (Xixón) y mañana va seguir la ronda nel Centru Polivalente de Recursos de Llaviana.

Esti periplu respunde al oxetivu del Gobiernu d'Asturies de conocer en fondura la situación de caúna de les residencies públiques, según les demandes de personal y usuarios. Col mesmu propósiu, dende'l fin del estáu d'alarma celebráronse xuntes periódiques con representantes de les families, de les direcciones de los centros y de los axentes sociales pa facilitar la so participación na xestión del sistema residencial y fortalecer la seguridá.

## Mayor axilidá nes revisiones del salariu social

La Consejería de Derechos Sociales va modificar el reglamentu del salariu social, una midida que va facer posible entainar coles revisiones motivaes pol empléu temporal de persones perceptores de la renta mínima.

La proliferación de contrataciones temporales d'escasa duración, inclusive de menos d'una selmana, o de temporada, derivó nuna medría notable nes comunicaciones de variaciones o revisiones del salariu social. Gran parte d'elles nun traen finalmente un cambéu de la prestación, pero impliquen que, per una parte, les persones beneficiaries tengan que s'allegar al so centru municipal de servicios sociales cada vegada qu'empecipien o rematen una relación llaboral y, por otra, que l'Alministración empecipie les actuaciones revisores oportunes.

Anguaño, 1.176 persones que cobren el salariu social tán a la espera de que s'analice'l so espediente por cuenta de variaciones por contratos de trabayu de duración inferior a seis meses, lo que representa'l 20% del total de revisiones pendientes. Nesti contestu, el cambéu aprobáu pola consejería va facilitar que la revisión se faga una vegada al añu y va ufiertar mayor estabilidá a los beneficiarios, que van poder aceptar contratos temporales ensin tener que comunicalo cada vez que s'empecipien o rematen y ensin ver alteriáu'l cobru del salariu social, al regularizase la so situación va regularizase n'acabando l'añu natural.

Esti cambéu enmárcase na sienda de simplificación alministrativa qu'entamó'l Principáu y ta na llínea del Decretu Llei 20/20, de 29 de mayu, pol que se regula l'ingresu mínimu vital, que toma como períodu de cómputu d'ingresos l'exerciciu anterior. El cambéu del decretu del salariu social atopar nel trámite de consulta pública.

## Relevu na Consejería d'Educación

El Gobiernu d'Asturies nomó directora xeneral de Planificación ya Infraestructures Educatives a Cristina Vega Morán. La nueva directora asume esta responsabilidá cola mano tendida a la comunidá educativa y coles mires de garantizar una enseñanza calidable pa tol alumnáu y faer de les aules el llugar de trabayu más seguru posible'l próximu cursu.

Vega Morán (L.lena, 1969) ye diplomada pola Universidá d'Uviéu en Profesoráu de EGB cola especialidá de Pedagogía Terapéutica y llicenciada en Filosofía y Ciencies de la Educación pola mesma institución académica. Tamién cursó'l Máster Universitariu en Tratamientu Educativu de la Diversidá na Universidá Nacional d'Educación a Distancia (UNED).



Funcionaria de carrera del cuerpu de maestros pola especialidá de Pedagogía Terapéutica, foi profesora dende 1997 en centros d'educación especial, colexos ya institutos del Principáu. Hasta agora, ocupaba la dirección del Colexu Públicu Santa Bárbara de Llugones, cargu qu'asumió en 2012.

### **Conveniu con Siero pal plan d'ordenación d'escueles de 0 a 3**

El Conseyu de Gobiernu autorizó la firma d'un conveniu col Conceyu de Siero pal desenvolvimientu del plan d'ordenación de les escueles de primer ciclu d'Educación Infantil (0 a 3 años). La vixencia va ser de cuatro años y añalmente va roblase una adenda na que se va concretar la programación de cada cursu, según el so financiamientu.

Amás, autorizóse la concesión de la subvención pa sufragar los gastos de funcionamientu del cursu escolar 2019-2020, por un importe de 365.789 euros, de los que 130.320 correspuenden col periodu de setiembre a avientu de 2019 y los 235.469 que queden, a los meses de xineru a agostu.

Siero cunta anguaño con dos escueles infantiles: El Carmín, con trés aules y capacidá pa 78 neños y neñes, y La Mazana, con 4 aules y 114 places.

### **Protección de les cueves asturianas**

La Conseyería de Cultura, Política Llingüística y Turismu, al traviés de la Dirección Xeneral de Cultura y Patrimoniu, autorizó la firma de convenios colos conceyos de Cangues d'Onís, Peñamellera Baxa y Candamo cola cuenta de caltener trés elementos emblemáticos del patrimoniu cultural asturianu: el dolme de Santa Cruz (Cangues d'Onís) y les cueves de La Peña (Candamo) y La Loja (Peñamellera Baxa).

Estos convenios inclúin una subvención per parte del Gobiernu d'Asturies (3.900 euros per caúnu d'ellos) pal caltenimientu, l'apertura al públicu y l'espardimientu del monumentu neolíticu de Cangues d'Onís y los xacimientos de Candamo y Peñamellera Baxa, elementos d'induldable valor ya interés turísticu.

Pela so parte, los conceyos van ocupase de la contratación del personal adecuáu pa los horarios y los plazos previstos, igual que del mantenimientu y llimpieza de los accesos.